

補晉書藝文志

吳士萱題

補

晉

書

藝

文

志

光緒丁未夏

王運長題



丙寅夏五  
悟廬校印

黃潛廬先生遺像



是古遺直焉慕世祭卓爾  
 夷不斐然屈情孰張師說  
 鬱二席生書不井畱為世  
 伯程神何媿媚蒼鯁其形  
 豈願之式思通心精蘄道  
 者言持世者名

湘陰郭大癡奉賁長沙徐植立書

黃木父先生墓誌銘

長沙黃兆枚字達

平大書  
北輔仁  
團誠

清宣統辛亥後十有五年乙丑冬十月黃君木父卒於里第  
逾月其弟可度孫炳蔚卜葬長沙南門外十里爛泥衝蓮塘  
尾乾向之山其同學友黃兆枚爲墓之銘君諱逢元字少雲  
晚號木父前善化人曾祖諱光燮祖諱執修考諱漢章妣徐  
氏漢章公三子君居長次思衍諸生善畫前卒次可度皆無  
子而君配李氏生五男子駿極中極錫極棟極肇極中棟肇  
殤駿錫逾冠即沒錫旣娶無子立子君同高祖以下宗自期  
至總皆絕立高祖之父七世孫三女子長許字未嫁而卒次

嫁同縣呂舉人之子延慶君家故貧漢章公有軍勞叙官而不樂以武進汗隱困約專用文事程督諸子諸子果皆能學而君尤勤君於書無所不窺鉤考辨核抉奧隱常能獨到爲文樹骨鑄肌鑄辭堅實盡落浮艷其勝者古如鼎彝而有淵然之光所箸有怡雲室文集六卷家譜義例一卷已刊行其補晉書藝文志校註碧山樂府詞皆手寫全帙付其門人席闔運錄惠來者君由邑廩生中光緒癸卯鄉試科舉旣罷疆吏送試禮部用知縣發廣西時君縣人新授廣西巡撫沈秉堃方在籍會君先還長沙君師孔先生賢君於沈使往見君

謝曰知縣宜謁巡撫茲非地及至廣西沈果賺君故撫逾部  
限罪相惕恐藩司收牒移月日報部意護君君留旬月卒乞  
病去蓋君方嚴峭兀唾棄塵鄙有不可於意輒發吻刺擊圭  
鋒逼人何能澆忍詭隨外吏況上以私威福歸才兩月國遂  
變亂沈巡撫棄疆圻率師北指君念紀綱名分絕滅憤慨彌  
深自是杜門不問世事時亦賣文然必審而後許苟非其人  
雖多金不顧也嘗客江左右館永州游日本爲文章紀述山  
川雜以詠歌充盈篋衍顧嘗自疑其詩謂不足存而傳蓋知  
所失得云君生於同治二年癸亥四月至於卒春秋六十有



三銘曰

有疑於今而信其私惟重以固縝不可噉其人其文繫古之遺

黃木父君傳

長沙黃山麓森

君名逢元字少雲木父其自號湖南故善化縣人世爲儒門而君父漢章早孤赭寇之亂貧不克竟讀入營伍司軍遞常隨文書賣達往來閒關數千里不失期會謹約勤幹爲主者所倚積勞得官寇亂旣平人輕武職又自恥無戰功乃棄歸以微資營度給朝夕未嘗取贏懲其早荒益厲諸子於學卒年八十四猶及見諸子名成也子三君居長少與弟思衍可度皆挺特有志爲學自成思衍學不拘方而才思清曠詩文能盡情致善畫山水以諸生再娶無子前卒可度不娶約已

自好早棄帖括致力於詩忻戚一於詩寓之而名以起君於書無所不觀旁及金石文字比次考訂獨喜緣間鉤沈發經史之蔽尤亟治史適然有得輒自擊案踟絕快慰至忘寢饋然非反覆無憾不以視人人益服其精能雅好辭章工爲儷體已乃上規兩漢通其法於古文別釐體裁業存綜述不肯苟投人好受知張尙書亨嘉爲弟子員以高材牒送兩湖書院益讀所未見書居兩年月試常最一日試討蝗檄分校某謂蝗害稼當用官書程式君憤且笑曰是捕蝗令耶即謁病歸食餼後嘗客永州過祁陽訪柳文惠三吾故蹟繼復薄游

江左右弔古感事每有造述光緒癸卯始舉於鄉一赴會試  
科舉驟罷從支提學恆榮游日本返國同儕多張所聞見誇  
人君顧默然丙午循新例赴禮部試官在都得家書子病卒  
遂不試歸宣統庚戌試得知縣發廣西以弟思衍卒未葬復  
歸辛亥葬弟畢乃之廣西繳憑巡撫同縣某本相知名故以  
逾部限相詰難君不爲屈布政使意賢君爲依限報部事訖  
仍謁病歸歸三閱月清廷外遜君年甫四十九竟不復出旁  
羅羣籍以考訂自娛法數綱淪異說蠡起聖人之道熄爭以  
故書爲詢病甚欲廢絕中國文字倣西人讀音大師宿儒日

益藟落君與二三同志撰述古義講論文藝力持其敝間爲  
文表章幽隱非所心許雖厚匄之不爲執筆門牆高峻弟子  
惟東安席闔運終得事君君亦婁主其家病乃移歸卒年六  
十三所作詩文僅卒前二年自刪存文七十餘首付梓顏曰  
怡雲室文集並簡其弟思衍湘蘅館遺文廿餘首附刻集後  
所箸書有補晉書藝文志及碧山樂府鈔皆手自寫定病革  
以付闔運餘皆未就妻李氏生五子殤其二長駿極溺苦於  
學甫冠以瘵卒君傷之乃俾叔子錫極棄書習商已娶亦卒  
婦史氏守節有志行君乃立族孫炳蔚爲孫使子之女三長

在室卒次適呂前年余自杭歸臥疾君來問貽以所刻文集  
昨秋九月晤君席氏更出所寫定書視余謂將再詳審之踰  
月而君卒矣可度既乞黃君兆枚銘君墓復屬余爲之傳

黃山曰余交木父君蓋餘四十年其始皆幼少才知學即過  
從相商搢常得見君尊父深衣緩帶貌恭而安喜道咸同來  
助舊鉅公軼事並記其言之可法者及詩歌以爲時值階危  
而諸公思艱圖大其丰采言論顧整暇有餘聽者意遠而君  
卞急難容物終身落落無所合家國多故強自振厲心彌苦  
矣卒老書叢惜哉然世極於此雖通倪將何爲乎今君學猶

足傳君抑幸也

補晉書藝文志序例

晉史立志不撰藝文今采本書紀傳各家目錄隋唐諸志鄭  
馬二通旁及金石遺文類鈔古本竊補闕畧以成此編凡四  
十家一千二百八十八部一萬一千九百九十三卷卷數無  
攷者二百七十九家依類附末而有晉一代藝文庶幾乎備  
是矣迺序之曰嗚呼文章之升降其亦係夫國運之盛衰乎  
晉開基洛陽中興江左荀勖分中經始創四部之目李充校  
舊簿總沒衆篇之名甲乙改觀存亡異數

唐釋道宣廣弘明  
集卷三七錄序云

中經簿二萬九千三十五  
卷元帝目二千一百四卷

此則古籍可無贅言若夫當代英



才兩京文獻入儒林有十八家列文苑凡十七子以外作者  
實繁有徒郁郁彬彬亦云盛矣然通計一百五十六年中道  
家學倡清談誤國經生術陋贗撰亂真史官筆繁僞體異正  
辭章彙雜流別殊名風會一移變態百出其弊可勝言哉因  
斯以談經以闡聖惟漢蔚爲大宗文以起衰至唐興復古學  
晉則上承正始之玄風下開六代之波靡殆其一樞紐也歟  
至於黃帝子孫神禹疆域禮樂明備車書大同歷世相承一  
王而已獨司馬代魏再傳以後人雜羗夷之族學殊南北之  
宗天喪斯文地分中夏竊據僭爭垂三百年而莫之統一厲

階戎首是又其椎輪也吁可慨已雖然典午往矣其運固厄以今準之而又加酷中邦雲擾亂華不止五胡異學日新焚書將及六籍劉氏歆曰夫子沒而微言絕七十子終而大義乖痛哉斯言先我而發有感於心因撰此志嗚呼藝文之幸不幸獨晉云乎哉

晉分中經創立四部有甲乙丙丁之目唐因四部別立門戶有經史子集之目茲本隋志定法以次晉代遺文近宗唐賢亦遠師荀氏

關東立傳志曰墳籍惟取當代不錄先朝劉氏史通申明此

旨明史依据即以代斷茲所采錄故限典午雖汲冢諸祕顯

於咸寧

据晉書武帝紀云咸寧五年

而撰非晉人概不羈入惟

各家注釋之篇則依類存目

嵇康阮籍仕本曹魏徐廣陶潛卒在劉宋晉書雖立專傳本

志代斷其撰著皆不收錄遵隋志也惟隋志集部有宣帝文

帝兩集首次晋代夷攷兩帝卒皆在魏陳壽本朝臣子魏志

礙難立傳唐修晋書補冠本紀是隋志既誤於前而晋書復

承其後本志無可出入亦未敢刪省仍存隋志舊觀

江左以還僭竊十六事各異主作者亦多本志采錄遺書悉

援隋志附諸有晉一代同文同軌王土王臣分而合之以大一統

自注班法也本志采錄隋唐宋志各書卷目以次自加案語異同別之譌謬正之脫漏補之爵里姓字有可攷者詳之

隋志

不詳里字

惟已見前篇再有他撰則文從省約署名而已陸氏釋

文已開先例各書引用均亦如之

隋書經籍志省  
云隋志他書同

後人著書竊名前賢以相倚重班志藝文注明依託凡此類者本志錄存亦援据班書別識贗鼎

秦以前曰篇其用竹簡漢以後曰卷其用縑素故班志藝文

篇卷互見統而核之篇悉卷計本志一準此例以總成數  
本志大畧固依隋志其中部目卷次篇第甲乙隋志有未安  
者則援班志出入劉畧之例輔以兩唐志通其變又參以宋  
明諸家及 國朝四庫目濟其窮小有所異大無不同則古  
遵王勿敢創制

一類之書或別出他部一書之目或互見別家通官聯事周  
禮則然故劉畧如之茲本班法省歸於一隋志所複則互注  
於下不於別類再次篇目

注解經類也傳記述志史類也論說子類也晉人此撰有爲

隋唐各志所遺而見引於國志世說文選等注書鈔藝文類聚初學記御覽通典諸書者但存篇名不言卷數茲特并錄依類附末至詩賦箴銘頌誄之屬則集類也或又他見文統於集無事複存集即不傳亦難采入碎金片羽多不勝收志在搜遺此有餘恨

唐宋各志鈔胥相仍并不核實惟隋志體例大書記存細注

記亡

阮孝緒七錄本志仍引稱七錄

顯示區別覽者了然本志於

未亡之書注云今存已亡之書或有輯佚注云某氏輯存如無輯本注云某書某卷引存至篇逸無攷則存目而已

隋唐宋志所錄之書撰人名氏篇目卷數均相符合則引諸志見之最先者注明所出餘不悉載諸志互異亦本其最先者標目餘則臚注以備參攷

誦詩讀書尤貴知人班志各書撰人史記有列傳者間亦注明本志準之凡晉書已立傳者或埶見於某傳及舊晉書有傳而見引於他書者於首先著錄之書下一并標識因傳知人因人知書互證參觀書即亡佚學術文流亦見厓畧

班志藝文圖皆細注隋唐各志一律編目

通志圖譜畧云王儉七志一志專收

圖譜阮孝緒散圖而歸部錄雜法本志如衛協毛詩圖譙周崔

游喪服圖郭璞爾雅圖則入經部如晉鹵簿圖裴秀禹貢地  
域圖孫結太康國照圖顧凱之夏禹治水圖又古列女傳圖  
楊佺期洛陽京城圖則入史部以外人物故事此墨戲也畫  
史收錄古志采入而本志不必強同子部雖立藝術一門概  
不存目

佛法仙道阮錄立部已列外篇隋志附末不標子目總計卷  
帙例尤嚴謹本志依据隋志故不錄二氏經典又推廣隋例  
並不存兩家部目





補晉書藝文志目錄

卷一

甲部經錄十家二百五十部一千三百五十二卷無卷數者  
六十八家

易類一

書類二

詩類三

禮類四

樂類五

春秋類六

孝經類七

論語類八

經解類九

小學類十

卷二

乙部史錄十三家三百二十一部四千五百八十九卷無卷數者一百四十八家

正史類一

編年類二

雜史類三

偽史類四

起居注類五

舊事類六

職官類七

儀注類八

刑法類九

雜傳類十

地理類十一

譜系類十二

簿錄類十三

卷三

丙部子錄十四家二百六十三部一千九百九十三卷無卷數者四十四家

儒家類一

道家類二

法家類三

墨家類四

從橫家類五

雜家類六

農家類七

小說家類八

兵書類九

天文類十

歷數類十一

五行類十二

醫方類十三

雜藝術類十四

卷四

丁部集錄三類四百五十四部四千三十卷無卷數者一十

九家

楚辭類一

別集類二

總集類三

補晉書藝文志卷第一

善化黃逢元木父撰

甲部經錄十家二百五十部一千三百五十二卷無卷數者  
六十八家

易類一

書類二

詩類三

禮類四

樂類五

春秋類六

孝經類七

論語類八

經解類九

小學類十

歸藏十三卷

太尉參軍薛貞注

本隋志新舊唐志卷同均誤作司馬膺注宋崇文目存三卷中興目錄同仁宗名禎諱薛貞作薛正宋志存一卷今存王謨輯本一卷

周易十卷

太子中庶子川荀煇景文撰

經典釋文序錄張璠集解十二卷注云煇晉太子中庶子為易義引七志云注周易十卷本志從陸說故次晉隋志注引七錄云煇魏散騎常侍舊唐志煇作暉新唐志煇作暉卷均同元案魏志荀彧傳注引荀氏家傳荀閔從孫暉

字景文太子中庶子亦知名與賈充共定音律又作易集  
解据此知輝仕晉但誤輝爲惲新唐志承家傳之誤故作  
惲惲本彘子字長倩爲輝族祖即見彘傳朱彝尊經義攷  
云輝字景文又字長倩更誤合兩人爲一

又十卷

廣州儒林從事  
南海黃穎注

本七錄隋志存四卷新舊唐志復作十卷今存馬國翰玉  
函山房輯本一卷又黃奭漢學堂叢書輯存一卷

又三卷

驃騎將軍琅邪  
王廙世將注

本隋志注云殘缺釋文序錄作十二卷引七志七錄云十



卷新舊唐志復作十卷馬國翰輯存一卷又黃奭漢學堂  
輯存廩有傳

又十卷

僞蜀丞相涪陵蜀才注

本隋志釋文序錄卷同注云七錄云不詳何人七志云是  
王弼後人案蜀李書云姓范名長生一名賢隱居青城山  
自號蜀才李雄以爲丞相元案華陽國志李志范賢名長  
生一名延久又名九重一曰支字元涪陵丹興人又見本  
書周訪傳云賢爲李雄國師今存張澍二酉堂輯本一卷  
馬國翰又加補校又黃奭漢學堂輯存

又十卷

散騎常侍新蔡  
干寶令升注

見隋志今存馬國翰輯本三卷寶有傳

又十卷

著作郎安  
定張璠注

本七錄隋志存八卷注云殘缺唐新舊志作集解十卷釋

文序錄作集解十二卷注云璠安定人東晉秘書郎參著

作集二十二家解序云依向秀本元案二十二家惟鍾會

爲魏鎮西將軍餘皆晉人應貞荀輝阮咸阮渾楊乂欒肇

鄒湛宣舒凡八家有專書本志錄存卷數其無卷數者凡

十三家附後璠書今存馬國翰輯本一卷又黃奭漢學堂

輯存

周易繫辭二卷

太常卿穎川  
韓伯康伯注

見隋志元案隋志有周易十卷注云魏尚書郎王弼注六  
十四卦六卷韓康伯注繫辭以下三卷王弼又撰易略例  
一卷併王韓爲一書共十卷又別出康伯繫辭二卷二即  
三之脫誤新舊唐志但据隋志周易十卷故題王弼韓康  
伯注不別出康伯繫辭書今存伯有傳

又二卷

西中郎將  
謝萬等注

本隋志新舊唐志卷同無等字釋文序錄萬字作万元案

淳化閣王右軍阮公帖云阿万即謝萬是萬字已作万萬  
有傳字萬石陳郡人

又二卷

僞楚皇帝譙國桓玄敬道撰

見隋志据釋文序錄題名如此釋文繫辭引存三事玄有  
傳

周易爻義一卷

干寶撰

本隋志舊唐志卷同爻誤作文

周易難王輔嗣義一卷

揚州刺史顧夷悅之等撰

見七錄元案宋書隱逸關康之傳云晉陵顧悅之難王弼

易義四十餘條康之申王難鄭據此知悅之當即夷字本書有顧悅之坳殷浩傳字君叔官尙書右丞又世說文學篇注引顧氏譜有顧夷字君齊吳郡人辟州主簿不就皆別一人

周易論二卷

馮胡太守陳留阮渾長成撰

本隋志新舊唐志卷同作阮長成難阮仲容答通志因之作二阮答難論元案釋文序錄張璠集解引有阮咸阮渾易義當卽是書隋志或脫咸名咸字仲容坳阮籍傳官始平太守

又一卷

散應貞吉甫撰  
騎常侍汝南

本舊唐志釋文序錄張璠集解引貞明易論當卽是書新唐志因之作明易論新舊志均題應吉甫舉其字也貞有傳字吉甫

又一卷

荆州刺史宋處宗撰

本隋志新舊唐志卷同均作宋處宗通易論處宗當卽岱字本書無岱傳元案惠帝紀有荊州刺史宋岱羅尙傳作荊州刺史宗岱隋志集部有兗州刺史宗岱集二卷又御覽八百八十四引裴子語林云宗岱官終青州刺史宋宗

二字各書異說未知孰是

又四卷

范氏撰

見隋志注云范氏撰元案本書儒林有范宣傳陳留人字  
宣子詔徵太學博士散騎郎並不就著禮易論難皆行於  
世范氏當即范宣又隋志有周易音一卷注有擬周易說  
八卷范氏撰亦疑宣書增著於此

周易象論三卷

尚書郎太山樂肇永初撰

本隋志新舊唐志作通易象論一卷元案釋文序錄張璠  
集解引擎易論當即是書云肇字永初太山人史記仲尼

弟子傳正義云肇字永高平人

通易象論一卷

宣舒幼陳郡撰

見舊唐志舒字譌為聘新唐志誤同元案釋文序錄張璠集解引舒通知來藏往論當即是書

周易卦序論一卷

司徒右長史汝南楊又玄舒撰

見隋志元案釋文序錄張璠集解引又易卦序論又初學記卷五引蒙卦序論當即是書之一

周易畧論一卷

張璠撰

見唐新舊志



周易統畧五卷

鄒國子祭酒南陽  
湛潤甫撰

本隋志新舊唐志均作周易統畧論三卷釋文序錄張璠  
集解引之釋文上經泰下經明夷引存二事湛有傳

周易問難二卷

千寶撰

見册府元龜云寶領著作撰周易問難二卷周易玄品二  
卷周易爻義一卷据此知梁錄有是書二卷作王氏撰王  
卽千之譌

周易旨六篇

中書侍郎江夏  
李充弘度撰

見充傳經義考譌旨爲音

周易卦象數旨六卷

江夏太守李顯長林撰

本七錄通志作一卷元案釋文序錄云頤字長林江夏人

本郡太守頤附李充傳字不詳云郡舉孝廉不言官江夏

太守

周易宗塗四卷

干寶撰

見七錄

京氏易注三卷

佐郭琦著作郎太原

見崇日本書隱逸琦有傳云琦作天文志五行傳注穀梁

京氏易百卷合併計之并未分晰

周易畧譜一卷

東陽太守陳郡袁宏彥伯撰

見新舊唐志宏有傳

周易音一卷

祠部郎中江夏令李軌宏範撰

見隋志釋文引存七條

又一卷

太子前衛率東莞徐邈仙民撰

見隋志音散入釋文馬國翰輯存一卷邈有傳缺字釋文

序錄云字仙民唐修晉書諱民故傳缺字初學記十一引

晉中興書又云邈字景山

易義

散騎常侍河內向秀期撰

見釋文序錄張璠集解引之元案秀易義史記索隱二十  
六史記正義八十四釋文李鼎祚集解易正義均引存秀  
有傳

易義

尙書新野庾  
運玄度撰

見同上云易注

易義

侍中梁國張  
輝義元撰

見同上

易義

太常山陽王  
宏正宗撰

見同上

易義

王河南  
濟南  
武尹  
太子  
撰原

見同上濟王渾坳傳

易義

太保  
伯玉  
河東  
撰衛

見同上瓘有傳

易義

國子  
祭酒  
襄陽  
撰

見同上

易義

司徒  
右長  
撰

見同上

易義

涼州  
刺史  
撰  
安定

見同上元案釋文上經旅得其齊斧引軌云齊斧黃鉞也

一語軌有傳

易義

撰邢融

見同上

易義

撰裴藻

見同上

易義

撰許適

見同上

易義

撰楊藻

見同上

周易注

太子僕劉  
那令元撰

見魏志管輅傳注引輅別傳又引晉諸公贊云那本名炎

犯晉太子諱改爲那又劉敬叔異苑卷九云那字令清與

輅傳小異

易論

司空河東裴  
秀季彥撰

見魏志裴潛傳注引文章序錄秀有傳

周易訓注

徵士濟南劉  
兆延士撰

見儒林兆傳

周易傳

給事 中陳 郡 撰

見魏志袁渙傳注引袁氏世紀準有傳

繫辭注

驃 騎 諮 議 參 軍 陳 郡 袁 悅 之 元 禮 撰

見釋文序錄悅之坵王湛傳元案世說讒險篇作袁悅云

悅能長短說語人曰少年時讀論語老子又看莊易此皆

是病痛事當何所益耶天下要物正有戰國策据此悅之

注繫辭少作也

右易二十九部凡一百十七卷無卷數者十八家

東漢末流以讖緯說易魏王弼獨標新學闡明義理晉人承



之奉爲宗師入室升堂韓伯最著然祖尙虛無流入莊老清  
談召禍輔嗣是其作俑顧夷起而難之殆當時之矯矯者也  
干寶知空虛之壞道竟欲以術數抹之其說猥瑣附會而易  
道愈墜矣注家今存無幾間引他書時見賸義歸藏漢亡有  
薛貞注隋志冠首云以備殷易之闕茲復編始以著晉儒好  
撰僞經之謬

尙書十五卷

祠部  
謝沉郎會稽  
行思注

本隋志釋文序錄卷同多錄一卷新舊唐志作十三卷元

案御覽三十七徐州土馘墳引沉注曰馘音志沉有傳

又十卷

豫章太守穎陽范寧武子注

本七錄釋文序錄卷同作集解舊唐志題作孔安國傳范寧注元案序錄云寧變爲今文集注故題爲集解又云古文科斗安國以校伏生所誦爲隸古寫之据此知尙書改爲今字自寧始新唐志云天寶三載詔集賢學士衛包改古文從今文猶後也寧有傳

集解尙書十一卷

李顥注

本隋志釋文序錄舊唐志作十卷新唐志作集注十卷顥譌作顥馬國翰輯存一卷玉函叢書今闕

古文尙書舜典一卷

范寧注

見隋志經典釋文攷證云梁有尙書十卷范寧注亡蓋范書本十卷因孔傳闕舜典故取范所注舜典補孔傳之闕後范所注本書亡而舜典一卷獨以傳合孔傳得存也馬國翰輯存一卷

尙書義疏四卷

樂安王友伊說撰

本七錄新舊唐志作釋義元案本書樂安王傳名鑒武帝踐阼爲鑒及燕王機高選師友詔曰取明經儒學伊說當即師友中之明經者

尙書義問三卷

五經博士孔晁撰

見七錄題云鄭玄王肅及晉五經博士孔晁撰擬各一卷

七錄合併計之

尙書新釋二卷

李顯撰

見隋志

尙書要畧二卷

李顯撰

見新舊唐志

逸篇三卷

徐邈注

本新唐志隋志作尙書逸篇二卷不題邈注元案逸篇三

卷卽漢書藝文志所謂多得十六篇孔安國獻之遭巫蠱事未列學官者也隋經籍志云尙書逸篇出於齊梁之間考其篇目似孔壁中書之殘缺者据新唐志逸篇題作逸注是晉儒猶見及全書故得而注之非晚出齊梁者孫星衍曰或稱爲逸書者非亡逸之謂逸在伏生二十九篇之外也其說甚通

三墳書一卷

阮咸注

今存王謨漢魏叢書中元案宋中興目云是書晚出元豐七年本三篇合爲三卷皆依託也通志作三卷與歸藏連

山二易冠易經首通考附在書經

古文尙書音一卷

徐邈撰

見隋志今存馬國翰輯本一卷

尙書音五卷

孔安國鄭玄李軌徐邈撰

見七錄釋文序錄云漢人不作音後人所託

尙書注

李充撰

見充傳

右尙書一十二部凡五十八卷無卷數者一家

隋志曰永嘉之亂歐陽大小夏侯尙書并亡顯於漢而晦於

晉是亦學術之升降也於是梅賾之僞孔傳興與伏生所傳之二十八篇淆而混之且改塗而刪削之此秦火以後又大扈惜哉在當時既置博士而學徒亦稱盛焉茲錄八家以著於篇三墳是亦僞書附入此類

毛詩二十卷

謝沉注

見七錄

又二十卷

兖州別駕濟南江熙太和注

見七錄

毛詩義疏十卷

謝沉撰

見七錄

又二十卷

舒撰 援

見隋志今存馬國翰輯本一卷云援晉末人

毛詩異義二卷

楊撰 又

見隋志

毛詩雜義五卷

楊撰 又

見七錄

又四卷

江州刺史陳郡殷仲堪撰

見七錄仲堪有傳



毛詩釋義十卷

謝沉撰

見七錄

毛詩辯異三卷

楊又撰

本隋志新舊唐志作毛詩辯

毛詩異同評十卷

長沙太守休明撰

本隋志釋文序錄異同作同異云毓豫州刺史注又云字

休明北海平昌人長沙太守隋志集部有毓集又作汝南

太守又魏志臧霸傳云毓孫觀子仕至青州刺史注引魏

書云泰山人馬總意林云毓字仲各書互異未知孰是馬

國翰輯存三卷又黃奭漢學堂輯存

難孫氏毛詩評四卷

徐州從事陳元方撰

見隋志新舊唐志無毛字今存馬國翰輯本一卷

毛詩拾遺一卷

宏農太守河東郭璞景純撰

見隋志今存馬國翰輯本一卷璞有傳元案詩疏一之一

校勘記云璞當作樸樸字景純取純樸相應字當從木正

義多作璞或改作朴朴即璞之俗字

毛詩表隱二卷

陳統撰

見七錄

毛詩音隱一卷

撰干寶

見七錄題云干氏釋文序錄云爲詩音九人其八有干寶經義考作干寶即本陸說本志從之

毛詩音二卷

撰徐邈

見七錄今存馬國翰輯本一卷

又十六卷

撰徐邈等

見七錄元案是書題云徐邈等撰殆卽釋文序錄所稱爲詩音九人而編集成十六卷以邈冠首

衛協毛詩北風圖一卷

見唐裴孝源貞觀公私畫史云隋朝官本

衛協毛詩黍離圖一卷

見同上元案困學紀聞詩云唐志毛詩草木蟲魚圖二十四卷引名畫錄云太和中文宗好古重道以晉明帝朝衛協畫毛詩草木鳥獸古賢君臣之象不得其真召程修己圖之据此七錄有毛詩圖三卷又有毛詩古聖賢圖二卷無作者名氏疑卽衛協所圖

詩傳

袁準撰

見魏志袁渙傳注引袁氏世紀

毛詩外傳

謝沉撰

見沉傳

毛詩義

釋惠遠撰

見釋文毛詩音義上云周續之雷次宗受詩義於遠法師

元案隋志有雷次宗毛詩序義二卷又云梁有毛詩義一

卷雷次宗撰遠義當在二書中高僧傳有遠傳姓賈氏雁

門樓煩人

毛詩疑字議

司徒陳留蔡謨撰

見初學記二十六

毛詩畧

徵士會稽虞喜仲寧撰

見喜傳云釋毛詩畧注孝經元案隋志郭璞毛詩拾遺下

注云梁又有毛詩畧四卷無撰人經義考作郭璞撰亦無

据疑即喜書

毛詩音

孫毓撰

見釋文毛詩音義終風

毛詩音

河內太守陳留阮侃德恕撰

見釋文序錄

毛詩音

益州刺史陳郡袁喬彥叔撰

見袁瓌埒傳云注論語及詩音

毛詩音

徵士河內江  
惇思俊撰

見釋文序錄作河內人梁皇侃論語義疏序作濟陽人江  
統埒傳惇統子陳留圉人

毛詩音

李軌撰

見釋文序錄

右詩一十八部凡一百三十二卷無卷數者十家

詩有四家惟毛氏晚出於漢而盛行於晉流傳至今歸然獨  
存夫暖暖姝姝奉一先生之言以相教授者晉儒豈阿好哉

萇之所學淵源子夏其義正而其說長也齊詩亡於魏矣白  
毛學行而魯亦亡於晉韓雖存無傳之者茲編所錄三家闕  
如至夏侯湛潘岳束皙各有補亡雖云言詩徒撫風雅無與  
箋注有集可歸不備此數

周官禮十二卷

注伊說

本隋志新舊唐志無禮字作十卷

又十二卷

注千寶

本隋志釋文序錄作十三卷今存馬國翰輯本一卷又黃  
奭漢學堂輯存



周官寧朔新書八卷

燕王師王懋約注

本七錄舊唐志作司馬仙序懋約注元案琅邪武王仙傳  
字子將起家寧朔將軍故書以寧朔名

周官禮異同評十二卷

司空長史東海陳卻節良撰

本隋志舊唐志作周官論評注陳卻駁傅玄評新唐志作  
傅玄周官論評注云陳卻駁卻有傳作周禮評釋文序錄  
引邵周禮論序當即是書

周禮駁難三卷

孫琦問千寶駁虞喜撰

見七錄

周官禮駁難四卷

孫畧撰

本隋志舊唐志五卷作孫畧問干寶注新唐志作答問周官駁難五卷冠干寶名注云孫畧問畧爵里無攷通典九十一又九十八引存略服議

喪服釋疑二十卷

劉平常子房撰

見七錄撰人誤作孔智劉智坳劉寔傳云著喪服釋疑多所辯明孔智劉宋時人見通典禮序注內劉智書今存馬國翰輯本一卷

喪服經傳一卷

袁準注

本隋志舊唐志作喪服紀脫傳字紀即經之譌新唐志誤  
爲全書作注儀禮一卷準坳袁瓌傳云注喪服經今存馬  
國翰輯本一卷

又一卷

陳銓注

本隋志舊唐志作喪服紀經之誤新唐志誤爲全書作  
儀禮注通志既承唐志之誤又複出作喪服注釋文序錄  
云銓不詳何人元案通典禮類序次銓在賀循任愷下孔  
倫劉逵上知爲西晉時人今存馬國翰輯本一卷

集注喪服經傳一卷

廬陵太守會稽  
孔倫敬序撰

本隋志新唐志作儀禮注誤爲全書釋文序錄云集儀禮  
衆家注今存馬國翰集本一卷元案本書孔巖傳父倫黃  
門郎又孔繼汾闕里文獻考卷三十一孔氏著述門云二  
十五代孫晉黃門郎倫集注喪服經傳一卷又卷八十八  
孔奕傳子倫羣倫官黃門郎嘗注儀禮

喪服要集二卷

征兆南大將軍京  
杜預元凱撰

本隋志新舊唐志作喪服要集議三卷元案禮志武元楊  
后崩既葬擬除服即吉杜預議以諒闇終制使博士段暢  
撰集書傳以證即是書不題暢撰預官顯主其事也今存

馬國翰輯本一卷預有傳

喪服要畧一卷

太學博士  
環濟撰

見隋志官缺嚴可均全晉文目云濟大興中太學博士隋志史部雜史類有環濟帝王要畧十二卷注云紀帝王及天官地理喪服是書作一卷隋志於十二卷中別出錄之

喪服變除一卷

散騎常侍  
葛洪稚川撰  
丹陽

見隋志儀禮釋文引存一事通典八十七引存二事洪有

傳

喪服要記二卷

侍中濟南劉  
逵淵林撰

見七錄儀禮釋文喪服經傳引存元案左思傳三都賦成  
劉逵注吳蜀而序之逵注今存文選題云劉淵林注知逵  
字淵林傳又云陳留衛瓘又爲思作略解序云中書郎濟  
南劉逵

又十卷

司空會稽賀  
循彥先撰

本七錄舊唐志卷同記作紀題云賀循撰庾蔚之注又有  
賀循喪服要紀五卷題云謝微注新唐志卷同作要記亦  
云微注今存馬國翰輯本一卷循有傳

喪服要六卷

賀循  
撰

見七錄

喪服儀一卷衛瓘撰

見隋志

喪服譜一卷賀循撰

見隋志

又一卷蔡謨撰

見隋志今存馬國翰輯本一卷

凶禮一卷廣陵相國孔衍舒元撰

見隋志通典四十八引衍室廟藏主論九十八引乖離論

一百三引禁招魂葬論當即是書遺文衍有傳

葬禮一卷

賀循撰

隋唐志不著錄馬國翰据通典書鈔輯存

喪服圖一卷

郎中上黨崔游子相撰

本新唐志舊唐志游作遊元案本書儒林傳崔游撰喪服

圖隋志是書兩出均一卷撰人一作賀遊一作崔逸崔逸

魏書崔辯埒傳不言撰著疑逸字即遊之譌賀字又崔之  
論牽連誤合是以顛倒複出通志既錄崔游一卷又錄一

卷承隋志題作崔逸



禮雜問十卷 范寧撰

本隋志新舊唐志無雜字作九卷今存馬國翰輯本一卷

禮論答問九卷 范寧撰

見舊唐志

問禮俗十卷 議郎董勛撰

見隋志元案北齊書魏收傳魏文帝問何故名人日收對

曰晉議郎董勛答問禮云云知勛官議郎今存馬國翰輯

本一卷又黃奭漢學堂輯存

禮難十二卷 益壽令吳商撰

見七錄元案禮志中商官稱博士通典八十八商答劉寶  
議亦稱國子博士隋志集部有益陽令吳商集五卷是商  
官終益陽令七錄題作益壽攷本書地理志無益壽惟衡  
陽郡有益陽益壽當即益陽之譌

禮論難一卷

范宜撰

隋唐志不著錄馬國翰据禮記正義晉志通典輯存元案  
宣傳云博綜衆書尤善三禮著禮論難

雜議十二卷

吳商撰

本七錄新唐志作雜禮義十一卷舊唐志卷同云吳商等

撰今存馬國翰輯本一卷

禮議雜記故事十三卷

吳商撰

本七錄舊唐志十一卷議作卷次在商雜禮義下脫撰人

喪雜事二十卷

吳商撰

見七錄

禮記寧朔新書二十卷

王懋約注

本七錄隋志存八卷新舊唐志復作二十卷舊志注云司

馬仙序王懋約注元案舊唐志元行冲傳釋疑云馬仙增

革向踰百篇葉遵刪修僅全十二所謂馬仙即指是書

約禮記十篇蜀國太守廣漢王長文德儁撰

見華陽國志王長文傳云撰約禮記除煩舉要凡十篇本

書長文有傳德儁一作德獻

答問雜議二卷杜預撰

見隋志又通志雜議作雜儀

祭典三卷安北將軍范汪平撰

隋志注引七錄列經部禮類新唐志列史部儀注今存馬

國翰輯本一卷初學記書鈔御覽所引范汪祠制均入馬

氏序云祠制蓋祭典之篇目也汪有傳

雜祭法六卷

司空從事中郎范陽盧諶子諒撰

隋志注引七錄列經部禮類新唐志作雜祭注列史部儀注通志作雜儀注今存馬國翰輯本一卷諶盧欽埶傳

七廟議一卷

千寶撰

見七錄

後養議五卷

千寶撰

見七錄元案新舊唐志史部儀注類有千寶雜議五卷當即是書馬國翰据晉書禮志中論王日日事目爲五卷中佚篇之一輯存一卷

雜鄉射等議三卷

亮太尉潁川庾

見七錄亮有傳

周禮音一卷

撰徐邈

馬國翰据經典釋文輯存

又一卷

撰李軌

馬國翰据經典釋文輯存

又一卷

前燕慕容儁時祕書監清河鼎熊撰

馬國翰輯存本熊見慕容儁載記韓恒傳又見石虎載記

儀禮音一卷

撰袁準

見舊唐志

又一卷

撰李軌

見七錄

禮記音一卷

撰孫毓

見七錄

又一卷

撰繆炳

見七錄元案釋文序錄繆炳次孫毓下曹耽上

又一卷

撰射貞

見七錄元案射貞即釋文序錄列孫毓前謝植之譌

又二卷 蔡謨撰

見七錄

又二卷 安北諮議將軍譙國曹耽愛道撰

本七錄舊唐志作鄭玄注曹耽解卷同新唐志三卷但題

曹耽解

又二卷 國子助教天水尹毅撰

本七錄釋文序錄作一卷

又二卷 范宣撰

見七錄釋文集韻引存共十二條



又三卷

撰徐邈

見七錄今存馬國翰輯本一卷

又二卷

撰李軌

本七錄釋文序錄作三卷舊唐志同新唐志作小戴禮記

音二卷

周官傳

撰袁準

見魏志袁渙傳注引袁氏世紀

喪服經講義

釋惠遠撰

見梁釋慧皎高僧惠遠傳云遠講喪服經雷次宗宗炳等

並執卷承旨次宗後別著義疏首稱雷氏宗炳因寄書嘲  
之曰昔與足下共於釋和尚間面受此義今便題卷首稱  
雷氏乎據此遠說殊不可沒故錄入隋志有畧注喪服經  
傳一卷題云雷次宗注遠解義當在是書中

喪紀禮式

漢嘉太守  
杜襲敬修  
蜀郡

見華陽國志常寬傳

喪服圖

散騎常侍  
周允南撰  
巴西

見御覽五百四十周蜀志有傳

三禮吉凶宗紀

前趙劉聰時  
常撰  
雁門范隆玄嵩

見儒林隆傳

冠儀約制

尚書光祿大夫盧  
江何禎元幹撰

見沈約宋書禮志云何禎冠儀約制及王堪私撰冠儀亦

皆家人人之可遵用者也書鈔五十九引虞預晉書有禎傳

禎當作禎詳丁部禎集注

冠儀

太尉東平王  
堪世胃撰

見同上又通典五十六引作冠禮堪官職郡邑見世說賞

譽篇注引晉諸公贊

禮通論

處士弘農董  
景道文博撰

見儒林景道傳云三禮之義專遵鄭氏著禮通論非駁諸

儒演廣鄭義

五禮駁

孫毓撰

見通典禮五十二又禮記正義檀弓馬鬣封句引毓難語

難即駁也

周官音

干寶撰

見寶傳

周官音義

秦苻太常章選母宋氏傳

見列女宋氏傳

右禮五十二部凡二百六十卷無卷數者一十一家

漢河間獻王好古得古禮獻之彬彬君子儒也若司馬王佑其亦河間亞歟各家撰著不一而足獨賀氏循好學博聞尤號兼長當世遂推爲儒宗而釋家若惠遠者以禪宗爲經學師講求喪服傳之名山斯又前古所未有也其餘言禮諸家篇目無攷者時見引於本書禮志而通典尤多統稱曰議錄難枚舉故闕而不存音義采十三家惟韋氏宋母獨傳家學絳紗受業與伏女教錯可後先輝耀矣

琴操三卷

孔衍撰

本隋志新唐志作一卷宋志同多一引字崇目云衍述詩  
曲之所從總五十九章初學記十六引存

樂畧四卷 撰元愨

本新舊唐志隋志有是書脫撰人元案明凌迪功萬姓統  
譜元愨作晋人未知何据

聲律指歸一卷 撰元愨

見唐新舊志

太樂歌辭二卷 司徒竇川荀  
勛公會撰

本新唐志入樂類舊唐志入總集脫撰人勛有傳

太樂雜歌辭三卷

荀勗撰

見新舊唐志

晉讌樂歌辭十卷

荀勗撰

隋志引七錄列總集新唐志卷同作樂府歌詩入樂類

新弄五部

戴徵物撰  
讌郡

見南史隱逸戴顒傳顒父逵顒及兄勃并受琴於父各造

新弄勃制五部顒制十五部又制長弄一部顒卒宋元嘉

後本書戴逵傳長子勃有父風義熙初以散騎常侍徵不

起尋卒

樂論 裴秀撰

見魏志裴潛傳注引文章序錄

右樂六部凡二十三卷無卷數者二家

樂經云亡兩漢諸儒已少發明矧在典午去古愈遠茲所著錄五家而已編以次之庶補斯闕

春秋左氏經傳集解三十卷 杜預撰

本隋志舊唐志作春秋左氏傳卷同題云預注今存

春秋左氏傳義注十八卷 孫毓撰

本隋志釋文序錄作二十八卷新舊唐志作三十卷正義



引存八節

春秋左氏函傳義十五卷

撰千寶

本隋志舊唐志作春秋義函傳新唐志作春秋函傳均十六卷元案寶傳云撰春秋義外傳當即是書正義隱十一年通典四十二各引存一節

左氏訓注十三卷

撰孔衍

見闕里文獻考三十一孔氏著述門

春秋左傳賈服異同畧五卷

撰孫毓

見隋志

春秋公羊經傳十三卷

王散騎常侍河東注

本隋志唐新舊志作十二卷詩正義鴻雁引存愆期本書

王接埶傳

春秋公羊傳十二卷

河南太守范陽高龍注

本七錄唐新舊志卷同作春秋公羊傳記高龍譌作高襲

釋文序錄云龍字文范陽人

又十四卷

孔衍集解

本七錄舊唐志作春秋經傳集解題云孔氏注新唐志作

孔氏公羊集解卷均同元案春秋左氏傳杜預序正義引

存孔舒元公羊傳本稱舒元衍字也

春秋公羊達義三卷

太子尉平原劉寔子真撰

本隋志唐新舊志作違義卷同舊志複出俱云劉晏注寔有傳云辨正公羊以為衛輒不應辭以王父命祭仲失為臣之節舉此二端以明臣子之體遂行於世當即是書七錄有漢司徒掾王玠春秋左氏達義一卷

唐新舊志作達長義

寔書

題名本此

春秋穀梁傳十四卷

孔衍注

隋志題云孔衍撰誤釋文序錄作集解卷同唐新舊志作

十三卷題云孔衍訓注

又十三卷

徐給事中東莞注

本七錄通志作十二卷穀梁范注引存五節又楊疏引存

一節

又十卷

博士胡集解

本七錄釋文序錄作集解十卷楊士勛穀梁傳序疏作胡

訥之

又十二卷

徐邈注

見隋志元案穀梁傳注校勘記序云晉書范寧傳云徐邈

復爲之注世亦稱之似徐在范後而書中乃引邈注一十有七可知邈成書於前范寧得以捃拾也据此知晉書先後失實是書外又有傳義及答春秋穀梁義二種均佚馬國翰据注疏書鈔初學記輯存一卷題曰穀梁傳注義

又十二卷

范寧集解

本隋志釋文序錄新唐志作集注舊唐志誤作寧注卷均同今存

又十六卷

程闡注

隋志作程闡撰唐新舊志作經傳集注元案楊士勛穀梁

傳序疏云魏晉以來注穀梁者有尹更始唐固糜信孔衍  
江熙徐仙民程闡劉瑤胡訥之等据此知闡爲晉人

又四卷

張程孫劉  
四家集解

見隋志注云殘缺經義考云四家當是張靖程闡孫毓劉

瑤

又十卷

堂邑太守  
張靖注

本隋志唐新舊志作十一卷無穀梁二字題云張靖集解

春秋穀梁傳義十卷

徐邈撰

本隋志舊唐志作十二卷云邈注

答春秋穀梁義三卷

徐邈撰

見隋志徐邈名氏冠在答春秋穀梁義上

穀梁經傳集解十卷

沈仲義撰

見唐新舊志均次在徐乾徐邈蕭邕劉兆間仲義當是晉人

薄叔立問穀梁義四卷

本七錄隋志存二卷均脫撰人楊疏引有范寧答薄氏穀梁義知薄氏當即叔立書當爲范寧撰馬國翰据楊疏輯存一卷元案舊唐志有穀梁傳義三卷題云蕭邕問注新

唐志作蕭邕問傳義二卷据隋志集部錄范寧集十六卷  
下中間五部注中即次薄邕集七卷范寧與薄邕爲同時  
人即此可證竊疑新舊志所稱蕭邕蕭即薄之譌當爲薄  
邕隋志所稱叔立當即薄邕字是書爲薄叔立問穀梁傳  
義當即舊唐志題云蕭邕問注之穀梁傳義新志承之故  
作蕭邕問傳義

春秋穀梁廢疾三卷

張靖  
箋

見隋志題云何休撰鄭立釋張靖箋舊唐志作張靖成箴  
新唐志無何休撰三字作張靖成均箋字之譌



春秋穀梁傳說一卷

鄭嗣撰

隋唐志不著錄范寧集解引二十節馬國翰据之輯存一卷云以范序攷之當是寧父門生

春秋集三傳經解十卷

胡訥撰

本七錄舊唐志無集字作十一卷新唐志卷同作集撰三傳經解

春秋公羊穀梁傳十二卷

劉兆撰

本隋志通志作集傳元案儒林兆傳云兆思三家之異合而通之因周禮有調人之官作春秋調人疑即是書楊士

助穀梁傳序疏注穀梁十餘家有劉瑤盧抱經謂即劉兆  
今存馬國翰輯本一卷

春秋公羊穀梁左氏集解十一卷

劉兆撰

本舊唐志新唐志作三家集解元案兆傳云又爲春秋左  
氏解名曰全綜公羊穀梁解詁皆納經傳中朱書以別之  
疑即是書

春秋三傳十二篇

王長文撰

見華陽國志長文傳

春秋集三師難三卷

胡訥撰

見七錄

劉寔等集解春秋序論一卷

見隋志元案春秋左氏傳杜預序正義曰晉太尉劉寔與杜同時人也宋大學士賀道養去杜亦近俱爲此序作注當即是書隋志題作劉寔等道養即賅在內

春秋序論二卷

千寶撰

本隋志新舊唐志作一卷

春秋公羊論二卷

庾翼問王愆期答

本七錄舊唐志同新唐志通志作難答論一卷注云庾翼

難翼本書庾亮埶傳字稚恭官車騎將軍

春秋左傳評二卷

杜預撰

本隋志舊唐志作左氏杜預評二卷

公穀二傳評三卷

江熙撰

本唐新舊志隋志作春秋公羊穀梁二傳評不著撰人范  
寧穀梁集解十九引馬國翰据之輯存一卷

春秋三傳評十卷

胡訥撰

見隋志

春秋經例十二卷

方範撰

本隋舊唐志十卷新唐志六卷

春秋釋例十五卷

杜預撰

本隋志釋文序錄卷同云四十篇舊唐志多左氏二字元案通志錄釋例十五卷外又錄地名譜一卷小公子譜六卷長麻一卷又盟會圖宋志同又錄春秋世譜一卷攷各書均在釋例中預序已言及惟圖今佚本志故不別出又案魏志杜恕傳注引王隱晉書云預參攷衆家譜第謂之釋例又作盟會圖春秋長麻一書分晰隱已複誤唐修晉書悉本隱文未及刪定通志宋志因而承之預書本存永

樂大典中文多闕佚 國朝四庫書據孔氏左傳正義及諸書所引釋例之文補之仍分十五卷

春秋條例十一卷

劉寔撰

本隋志寔本傳作二十卷唐新舊志作十卷新志既錄是書又有寔左氏牒例二十卷疑複出牒即條之譌元案春秋左氏傳杜預序正義云劉寔分變例新義以爲二事當即是書義意

春秋穀梁傳例一卷

范寧撰

見隋志元案范寧穀梁傳序曰商畧名例楊士勛疏云商

畧名例即范氏別爲例畧百餘條是也今攷集解中時有  
例曰二字又四庫全書提要並疑士勛割裂畧例散入  
疏中東塾讀書記云隱二年疏與桓元年疏所引范氏例  
之語同即其證黃奭漢學堂輯存二十四條

春秋釋滯十卷

尚書左丞雲  
陽殷興撰

本七錄唐新舊志通志均作左氏釋滯元案吳志顧邵傳  
注殷興一名基吳零陵太守殷禮子

春秋釋難三卷

護軍長史顧  
范堅子常撰

見七錄堅附范汪傳

春秋土地名三卷

京裴秀客濟南相璠等撰

本隋志又入史部地理類無等字舊唐志脫撰人新唐志無等字元案水經穀水注云京相璠與裴司空彥季修晉輿地圖作春秋土地名据此書本璠一人專著當以隋志史部題名無等字爲是又元和姓纂卷二云晉有樗里璠著春秋土地記三卷作濟南人樗里二字當即京相之譌今存馬國翰輯本一卷又黃奭漢學堂輯存

春秋左氏傳音三卷

杜預撰

本七錄册府元龜作一卷



又三卷

李軌撰

本隋志舊唐志作李宏範撰即軌字

又三卷

徐邈撰

見隋志新唐志撰人譌爲孫邈馬國翰輯存一卷

又四卷

曹勣等撰

本新舊唐志隋志注引七錄題云曹勣音尙書左人郎荀

訥等音四卷又釋文序錄有荀訥音四卷不言曹勣當即

是書注云訥字世言新蔡人東晉尙書左民郎隋志注民

作人避太宗諱改

春秋公羊音一卷 撰李軌

見七錄

又一卷 撰江惇

見七錄江譌作汪

穀梁音一卷 撰范寧

見七錄今散存穀梁集解中

又一卷 撰徐邈

見新舊唐志

春秋外傳國語二十卷 注孔晁

本隋志新唐志作二十一卷題云孔晁解舊唐志卷與隋志同題左邱明撰不言孔注又有二十一卷不著撰人卷數與新志合或即孔注脫漏姓名今存馬國翰輯本一卷又黃奭漢學堂輯存

春秋經傳注

尚書虞溥允源高平撰

見溥傳

春秋公羊注

征虜將軍司馬河東王接祖游撰

見接傳

穀梁注

郭琦撰

見琦傳

穀梁注

撰 鼎 熊

見石虎載記

春秋三傳注

撰 范 隆

見隆傳

三傳解注

撰 徵 士 濟 北 汜

見毓傳

春秋釋疑

撰 汜 毓

見毓傳

春秋墨說

秦杵  
燧煌  
郭太  
瑀府  
元左  
瑜長  
撰史

見瑀傳

姓族左傳鈔

蜀郡  
西黃  
容太  
撰守  
巴

見華陽國志常寬埒傳

右春秋五十部凡四百五卷無卷數者九家

春秋三傳公穀盛行於漢而左氏獨微晚置博士廢興相嬗  
備員而已自服虔倡於前杜預踵其後學乃大昌而預功尤  
偉信乎邱明忠臣也江左中興立左氏傳服氏杜氏博士二  
傳闕如荀崧奏請許立公羊會王敦亂作不果行穀梁則以

膚淺目之不置博士在當時治是學者有孔衍江熙程闡徐邈徐乾劉兆胡訥諸家獨范寧集解稱善公羊之學王接獨闢何休黜周王魯之謬惜書遭喪亂當時已佚愆期繼父志踵而成之今亦不傳然其家法有如此者杜氏於邱明功固偉矣而罪亦實甚顯則強經就傳隱則黨同司馬藉傳行奸

說見焦循春秋左傳補疏錄春秋三十一家殿以外傳國語

孝經二卷

荀勗注

見七錄隋志存有集議孝經一卷題云晉中書郎荀勗撰經義考誤合是書爲一

又一卷

處士高平虞  
槃佐弘猷注

見七錄釋文序錄佐佑邢氏孝經疏同

又一卷

給事中  
天水楊泓注

見七錄

又一卷

丹陽尹南平  
車胤武子注

見七錄肩有傳

又一卷

東陽太守陳  
郡殷仲文撰

見七錄邢昺孝經正義開宗明義章五刑章引存仲文有

傳

又一卷

晉陵太守陳  
郡殷道叔注

見七錄題作殷叔道撰唐新舊志同元案經義考殷仲文  
孝經注引册府元龜云殷叔道爲東陽太守注孝經一卷  
爲仲文注孝經之證似叔道即仲文字攷今晉書仲文傳  
字不詳亦不言晉陵太守世說言語篇注引續晉陽秋殷  
仲文即字仲文則叔道當別爲一人即以梁錄引書次第  
證之一題東陽太守殷仲文一題晉陵太守殷叔道晰爲  
兩人尤明確又攷安帝紀義熙二年誅東陽太守殷仲文  
南蠻校尉殷叔文晉陵太守殷道叔宋書武帝紀誅仲文



及仲文二弟據此殷道叔即仲文弟册府元龜誤晉陵爲  
東陽七錄題晉陵太守倒誤作叔道故兩唐志承之

又一卷

孫氏注

見七錄次晉釋文序錄次在謝万下楊泓上云不詳何人  
元案唐新舊志有孫熙孝經注一卷是書當即熙注

晉孝經一卷

見七錄作晉穆帝時晉孝經一卷元案釋文序錄云中朝  
穆帝集講孝經云以鄭玄爲主可知是書宗旨

總明館孝經講議一卷

見七錄作武帝時送總明館孝經講議各一卷各字衍誤  
書次穆帝時晉孝經後据車胤傳及孝經序正義武帝當  
是孝武帝脫孝字

集議孝經一卷

荀勗撰

見隋志題云晉中書郎荀勗撰舊唐志作講孝經集解題  
名與隋志同元案孝經序正義引劉知幾議云晉穆帝永  
和十一年及孝武太元元年再聚群臣共論經義有荀昶  
者監本劉說作荀茂祖撰集孝經諸說始以鄭氏爲宗据  
此隋志所題晉中書郎之荀勗當即知幾所議之荀茂祖

譌昶爲勛並譌宋作晉攷宋書荀伯子傳族弟昶字茂祖  
元嘉初以文義至中書郎又釋文序錄孝經注家荀昶次  
車胤下孔光上可證晉書荀勛傳始遷中書通事郎入晉  
拜中書監官終司徒是書旣題勛名錄以存疑

又一卷

袁宏集

見隋志注云東陽太守袁敬仲集元案敬仲係衛宏字見  
後漢書儒林傳彥伯名宏隋志誤混衛字移之於袁與史  
部雜傳正始名士傳同釋文序錄孝經注家有袁宏知書  
爲彥伯集孝經正義五刑章引存

講孝經義四卷

車胤等集

本舊唐志新唐志無等集二字元案世說言語篇注續晉陽秋曰寧康三年九月九日帝講孝經僕射謝安侍坐吏部尚書陸納兼侍中下耽讀黃門侍郎謝石吏部郎袁宏兼執經中書郎車胤丹陽尹王混摘句書或與諸人成於此時故舊志注云車胤等集

集解孝經一卷

謝萬集

本隋志唐新舊志作謝萬注孝經正義庶人章引存

孝經注

太傅陳郡謝安石撰

孝經正義五刑章引存元案世說言語篇云孝武將講孝

經謝公兄弟與諸人私庭講習故有注安有傳

孝經注

金紫光祿大夫臨沂王獻之子敬撰

見同上獻之附義之傳

孝經注

虞喜撰

見喜傳

孝經注

庾氏撰

見釋文序錄云不詳何人次在虞槃佑下殷仲文上

孝經錯緯

郭瑀撰

見瑀傳

右孝經十三部凡一十七卷無卷數者五家

孝經有今古文之分今文稱鄭玄注古文稱孔安國傳孔所傳亡於梁亂鄭注立義與所注他書不類齊陸澄疑之後之學者遂紛紛聚訟在晉江左中興後永和太元兩朝群臣集議獨奉爲宗主而注家滋多異哉殷氏之爲此學一門冑弟諂事桓玄卒以罪誅無可末減經曰始於事親中於事君終於立身言不顧行實慚斯旨

論語十卷

注 譙 周

見七錄釋文引存學而不亦樂乎注續漢書禮儀志注引  
存鄉黨鄉人儼注

又一卷

注蔡謨

隋唐志不著錄馬國翰据皇疏輯存

又十卷

注李充

本隋志唐新舊志作集注史記仲尼弟子傳索隱引作論  
語解今存馬國翰輯本二卷

又十卷

注國子博士天  
水梁顥

見七錄皇疏子禽問於子貢章引存二節原題梁冀馬國

翰曰冀與顓音相同義亦相近故通用之非漢之跋扈將軍也

又十卷

袁喬注

見七錄馬國翰據皇疏輯存一卷序稱皇疏引十九節僅稱袁氏江熙集十三家有晉江夏太守陳國袁宏字叔度即爲袁喬喬本傳曾官江夏相此云江夏太守因官江夏而失之字作叔度亦形似而訛

又十卷

尹毅撰

見七錄名次袁喬下張憑上



又十卷

司徒左長史吳人張憑長宗注

見七錄新唐志作張氏次在尹毅下當即憑書馬國翰据皇疏輯存十二節憑有傳名作憑官至吏部郎御史中丞七錄名作馮釋文序錄同均稱司徒左長史

又十卷

孟釐注

本七錄唐新舊志九卷均題孟釐釋文序錄十卷作孟整一云孟陋字少孤江夏人東晉撫軍參軍不就元案隱逸孟陋傳云注論語

又十卷

孟氏注

見七錄次在孫綽集解下孟釐上釋文序錄同

又十卷

楊明惠注

見七錄次在張憑下唐新舊志作論語義注楊均作暢

又九卷

鄭玄虞喜讚注

本隋志唐新舊志作十卷册府元龜又作注論語贊九卷  
皇疏雍也第六仲弓問子桑伯子節鄉黨色斯舉矣節引

喜贊

集注論語六卷

衛瓘集

本隋志注云晋八卷梁有論語補闕二卷宋明帝補衛瓘

闕釋文序錄併宋明帝補闕二卷復作八卷稱衛瓘注無  
集字唐新舊志併補闕又均作十卷今存馬國翰輯本一

卷

集解論語十卷

廷尉孫綽與公原

本隋志釋文序錄作集注卷同今存馬國翰輯本一卷綽

孫楚埶傳

又十卷

江熙集

本隋志釋文序錄作十二卷今存馬國翰輯本上下二卷

論語集義十卷

尚書左中兵郎燕國崔豹正熊集

本七錄隋志存八卷釋文序錄作崔豹注唐新舊志作論語大義解均十卷通志誤分隋唐志爲兩書

論語義一卷

司空長史太原王濛仲祖撰

見七錄濛有傳

論語別義十卷

范寧撰

見隋志題作范廙撰晁公武讀書後志謂范廙或是范寧之誤元案江熙集解引有范寧馬國翰据皇疏輯存一卷

論語釋一卷

撫軍長史陳留蔡系子叔撰

見七錄皇疏引存系蔡謨子坳謨傳

又一卷 撰張憑

見隋志

又一卷 撰張隱

見七錄元案陶侃傳隱爲廬江太守張夔子侃鎮武昌命  
爲參軍

又一卷 撰李充

見七錄

又一卷 撰庾翼

見七錄皇疏引存子畏於匡一節

本七錄隋志存八卷釋文序錄作崔豹注唐新舊志作論語大義解均十卷通志誤分隋唐志爲兩書

論語義一卷

司空長史太原王濛仲祖撰

見七錄濛有傳

論語別義十卷

范寧撰

見隋志題作范廙撰晁公武讀書後志謂范廙或是范寧之誤元案江熙集解引有范寧馬國翰据皇疏輯存一卷

論語釋一卷

撫軍長史陳留蔡系子叔撰

見七錄皇疏引存系蔡謨子坳謨傳

又一卷 撰張憑

見隋志

又一卷 撰張隱

見七錄元案陶侃傳隱爲廬江太守張夔子侃鎮武昌命  
爲參軍

又一卷 撰李充

見七錄

又一卷 撰庾翼

見七錄皇疏引存子畏於匡一節

又一卷

光祿勳譙國曹毗輔佐撰

見七錄毗有傳

論語釋疑十卷

樂肇撰

本隋志釋文序錄一作釋義唐新舊志作論語釋舊志次

肇論語駁二卷上脫撰人今存馬國翰輯本一卷

論語旨序三卷

衛尉蘭陵繆播宣則撰

本隋志唐新舊志二卷今存馬國翰輯本播有傳

論語說一卷

繆協撰

隋唐志不著錄馬國翰輯存序云皇侃疏序稱江熙集解



論語十三家有繆播無繆協茲就皇疏所引凡二十節錄爲

一卷即附繆播之後云云

論語駁序二卷

樂肇撰

本七錄唐新舊志卷同無序字史記仲尼弟子傳正義引存亦無序字

論語君子無所爭一卷

庾亮撰

見七錄元案隋志禮類引七錄有亮雜鄉射等議二卷是書當亦言射故題名如此

新書對張論十卷

虞喜撰

本七錄册府元龜作對張論語

論語藏集解一卷

應琛撰

見七錄

論語體畧二卷

太傅郭象主簿河內

見隋志皇疏引存九節象有傳

論語隱一卷

郭象撰

見七錄御覽三百六十六白帖手部引作論語隱義又御覽六百九十八引作論語隱義注馬國翰曰其語鄙俚似小說與郭氏體畧不類疑後衍象義而成

通鄭一卷 鄒原撰

見七錄

鄭錯一卷 中軍司馬太原王修敬仁撰

見七錄題云王氏修修王濛附傳

論釋一卷 姜道處撰

見七錄次王修鄭錯後

論語音二卷 徐邈等撰

本七錄釋文序錄作一卷唐新舊志復作二卷無等字

論語注 張烜宋祚太子太傅燾

見隱逸織傳

論語注

荆州刺史陳郡殷仲堪撰

見皇疏引存九節仲堪有傳

論語解

太傅祭陽鄭冲文和集

隋志有集解論語十卷注云何晏集元案本書鄭冲傳云

冲與孫邕曹羲荀顛何晏共集諸家訓注之善者記其姓

名因從其義有不安者輒改易之名曰論語集解

論語解

太尉颯川荀顛景倩集

見同上顛本書有傳

論語解

周散  
環騎  
道常  
夷侍  
撰陳  
留

見皇疏

論語解

江淳  
撰

見皇疏

論語解

中書  
王珉  
令季  
瑛瑯  
撰邪

見皇疏  
珉王導附傳

論語音

繆播  
撰

見引釋文

論語音

李充  
撰

見引釋文

右論語三十六部凡一百八十九卷無卷數者九家

魏有何晏集解梁有皇侃義疏世治論語學者盛稱之晏集之成魏臣孫邕曹羲外鄭冲荀頌與焉侃於何氏集解外又本江熙所集引十三家衛瓘繆播欒肇郭象蔡謨袁喬江淳蔡系李充孫綽周瓌范寧王珉與焉因親貴而晏得名有憑藉而侃邀譽文藝與時高下蓋有幸有不幸也然晉治是學者獨賴二書之存於義理固畧而章句訓詁名物之說詳此亦有大造於二十篇也一代注家可攷見焉

聖證論十二卷

魏王肅撰晉馬昭駁孔晁答張融評

見隋志列論語類僅題肅撰新唐志詳注其人今存馬國

翰輯本一卷

五經鉤沉十卷

高梁太守楊方公回集

隋志列論語類鉤誤作拘舊唐志列經解卷同沉誤作深

崇目存五卷楊方誤作楊芳中興目高梁作高涼

案隋志本作高

涼引方自序云太寧元年撰馬國翰輯存五節方賀循埒

傳

五經大義三卷

徵士譙國戴逵安道撰

隋志列論語類元案通典九十又九十一引存書鈔一百五十八地部引達雜義亦即是書達有傳

五經通論一卷

東晉 著作郎 陽平 廣微 撰

隋唐志不著錄見哲本傳不詳卷數馬國翰据春秋正義通典輯成元案初學記十四引存哲論馬輯脫

五經然否論五卷

譙周 撰

隋志列論語類元案邈音已分見各經必總輯一部以成是書故隋志著錄鄭漁仲曰徐音雖亡然陸音多本於此

五經滯義論

袁準 撰



見魏志袁渙傳注

五經同異評

徵士高密徐  
苗叔胃撰

見儒林苗本傳

右經解六部凡四十一卷無卷數者二家

自漢有石渠白虎薈萃群儒講解同異於是雜義成篇通德  
著論誠盛典也東西兩晉臨雍釋奠時有此舉成書可攷者  
惟孝經一部而六籍不備至私家撰述剖晰疑義申明元旨  
則往往有之此類隋志附諸論語唐志定名經解別爲一門  
茲本其例著於此篇

爾雅五卷

注郭璞

隋志列論語類釋文序錄作三卷舊唐志同新唐志一卷

今存

爾雅圖十卷

撰郭璞

隋志列論語類唐新舊志列小學作一卷云璞注

爾雅圖贊二卷

撰郭璞

隋志注列論語嚴可均馬國翰黃奭各輯存一卷

爾雅音義一卷

撰郭璞

本唐新舊志隋志注引七錄作二卷無義字題云孫炎郭

璞撰合兩家爲一列論語類通志作音畧三卷今存馬國  
翰黃奭輯本各一卷

小爾雅一卷

李軌  
畧解

隋志列論語類新舊唐志列小學書本孔鮒撰今存

方言十三卷

郭璞  
注

隋志列論語類新唐志列小學卷同作揚雄別國方言不  
題郭注舊唐志撰人注家均脫今存

汲冢古文釋十卷

石勒時  
黨續咸  
曹參宗  
軍撰

見咸傳隋唐志不著錄元案杜預左傳後序云會汲郡縣

有發其界內舊冢者大得古書皆簡篇科斗文字本書束  
皙傳云漆書皆科斗字科斗字者周時古文也据二說知  
續咸所釋當即科斗古文改從今字如壁中古文尙書本  
科斗文字孔安國爲隸古寫之其書當與束皙傳所云隨  
疑分釋皆有義證同故錄入小學

三蒼三卷

郭璞注

本隋志注云秦相李斯作蒼頡篇漢揚雄作訓纂篇後漢  
郎中賈魴作滂喜篇故曰三蒼唐新舊志卷同題作李斯  
等撰郭璞解馬國翰輯存一卷

吳章二卷

平原內史吳郡陸機士衡撰

本隋志新唐志多一篇字舊志一卷均脫撰人機本書有

傳

續通俗文二卷

漢中太守捷爲李虔令伯撰

本新舊唐志顏氏家訓書證篇云通俗文題云河南服虔

字子慎造虔既漢人其序乃引蘇林張揖蘇張皆魏人且

鄭玄以前全不解反語通俗反音甚爲近俗阮孝緒又云

李虔所造河北此書家藏一本遂無作李虔者晉中經簿

及七志並無其目竟不得知誰制元案顏氏所見即孝緒

所云李虔本也服虔有通俗文一卷見隋志李虔續之成  
二卷初學記二十五引存孝友李密傳一名虔續通俗文  
即密撰

小學篇一卷

下王義邳內史撰

見隋志

又一卷

右將軍琅邪王羲之逸少撰

見唐新舊志顏氏家訓書證篇辨陳字引作小學章羲之  
有傳

小學九卷

楊方撰

本隋志舊唐志作小學集十卷新唐志作少學十卷通志

作小學篇九卷

發蒙記一卷 束皙撰

見隋志今存馬國翰輯本一卷隋志史部又有束皙發蒙

記一卷注云載物產之異馬氏所輯是本已列入小學元

案所引各節多係物產殊難目為經編定本

啓蒙記三卷 散騎常侍無錫顧愷之長康撰

見隋志愷之有傳啟蒙作啓蒙魏志明帝志注引作啓蒙

注今存馬國翰輯本一卷

啓疑記三卷

顧愷撰

本隋志唐新舊志卷同無記字

文字要記三卷

王義撰

本七錄舊唐志作文字要說題云王氏注新唐志作王氏文字要說一卷王氏當即王義本一書通志誤分七錄唐志爲兩書

字指二卷

朝議大夫李彤撰

見隋志今存馬國翰黃奭輯本

單行字四卷

李彤撰



見七錄文選羽獵賦注引存云睿蓋高大貌青熒光明貌

字偶五卷

李形撰

見七錄元案郭忠恕汗簡引有李彤集字又彤字畧文選各注引彤字說御覽二十二又九百十五引彤四部七錄隋志並無其目當即上三種異名

字林七卷

弦令任城呂忱伯雍撰

本隋志舊唐志作十卷陳錄宋志通攷均五卷元案後魏書江式傳作六卷云義陽典祠令任城呂忱不言弦令魏書地理志東萊國有愷縣隋志作弦令疑即愷字缺誤又

唐張瓌書斷云忱字伯雍撰字林二千八百餘字書佚今  
存任大椿輯本字林考逸八卷

要用字苑一卷

葛洪撰

見唐新舊志元和姓纂二十七刪顏姓條引作葛洪要字  
今存馬國翰輯本一卷

常用字訓一卷

殷仲堪撰

見七錄元案顏氏家訓書證篇云殷仲堪常用字訓亦引  
服虔俗說

韻集六卷

安復令任城呂靜撰

本隋志唐新舊志作五卷元案魏書江式傳云晉呂忱弟  
靜別放故左校令李登聲類之法作韻集五卷宮商角徵  
羽各爲一篇据此唐新舊志作五卷亦合隋志六卷殆多  
一錄今存馬國翰輯本一卷

文字音七卷

蕩昌長  
王延撰

本隋志唐新舊志作雜文字音卷同元案本書王延傳字  
延元西河人年六十方仕劉聰官至金紫光祿大夫不言  
爲蕩昌長又世說規箴篇注引王氏譜緒字仲業太原人  
祖延名同籍異其人未知孰是

翻眞語三卷 王延撰

見七錄

纂文三卷 王延撰

見七錄元案御覽引纂文甚多係宋何承天撰並非延書

新唐志有何承天纂文三卷

四體書勢一卷 長水校尉河東衛恒撰

見隋志今存恒有傳

太上章 前燕慕容皝撰

見說載記云親造太上章以代急就

右小學二十八部凡一百十卷無卷數者一家

爾雅注家釋文序錄獨稱郭氏景純洽聞強識詳悉古今今  
讀其書信非虛美說文成於許慎呂忱字林十四篇之附庸  
也四聲分於沈約呂靜韻集五音之遺響也全書雖佚輯本  
具存今可攷見獨惜有晉一代胡亂中邦華言不通夷語雜  
出古昔先王同文之化至此始異聲音之理微哉識者於以  
覘世變矣錄小學凡十六家以殿經部之末

補晉書藝文志卷一終

